

平皇西

西陵蜀

文碑記





平西蜀文

明太祖撰

叢書集成初編

(補印本)

平西蜀文及其他二種

一九三九年三月初版

一九五九年十月補印

明 太祖 撰

商務印書館出版

上海虹口印刷廠印刷

紀錄彙編卷之三

御製平西蜀文

洪武

洪武四年九月三十日朕親紀征蜀二道總兵官功之低昂以旌忠勇有智之將又張無謀鈍兵之徒爾基再作平蜀頌一章爲傳將軍廖將軍千萬年不朽之功朕聞雲從龍風從虎聖人作而萬物覩此蓋上古聖君臨御恩及海內故賢者讚揚若非聖君安敢受此美稱善揚者也朕本淮民因元失政豪傑忿爭吾承人後偶獲多兵訓練爲我調用有時命將四出

有時親征一方不五六年間羣雄斂跡惟西蜀一隅
限山阻險是有戴壽者假明之童孩負固不伏陰生
詭計說誘諸洞蠻夷爲我邊民患於是發兵二道命
將分行二年冬平章楊璟德慶侯廖永忠率舟師抵
瞿塘戴壽以合蜀軍民與之決戰平章楊璟兵敗收
兵僅能與之對壘當年冬穎川侯傅友德將兵由西
番道經階文逾月而抵綿漢蜀兵莫敢當鋒其戴壽
者恃瞿塘之險選老弱守之盡拔堅關之兵西行與
穎川侯戰道逢穎川侯一戰戴壽披靡再戰因逼成
都其攻衢關舟師總兵者尚未盡知將軍穎川侯木

牌書其戰勝次第順川江而放流德慶侯獲之連壘
而進乘機破關搗虛而至僞京師幼主明昇銜壁率
文臣請降戴壽爲傳將軍生擒於成都於是中國清
寧論將之功傳一廖次低昂是焉

天佑我邦	師出一律	將忿揚揚	馬嘶蹄踏
畫角聲張	惟我穎侯	智勇難量	羌人稽首
壺漿道傍	勞我軍行	綿漢是降	蠢爾戴壽
率衆來當	一戰披靡	拒城且藏	旬日困逼
詣軍請降	傳將功就	再歌瞿塘	天生廖將
與傳成雙	江風浩浩	起我旌幢	泊舟連壘

直破衢關

生俘僞主

市肆無干

遣使飛捷

一刻數關

天產名將

兵出農間

非朕有能

實由天鑒

有臣在南

家居括蒼

生而能文

舉筆何難

謂我採擇

黼之班班

紀錄彙編卷三終



西 征 記

明 太祖 撰

本館據紀錄彙編
本影印初編各叢
書僅有此本

紀錄彙編卷之二

御製西征記

洪武

癸卯秋以巨舟千艘載甲士十萬是日天風東發楊
帆沂流西征荆楚禡祺之後纜解舟行時兩岸諸山
墨雲靉靄左雷右電江湖洶湧羣鳥萬數挾舟趨焉
少頃有蛇自西北浮江趨舵朕親視之斯非神龍之
化若是歟果天不我捨加龍神運機則西鄙之寇如
豺狼之被獵不旬日必至吾麾下次日舟師抵采石
泊牛渚磯未幾一龜一蛇浮礙舵後略不畏人如此

終半晝不異斯急流之所疑其然怪之見船末巨鼓
一枚恐妨戰鬪卽令左右將施神廟語旣鼓行復視
之莫知龜蛇之所在已而師行由梁山磯其江陝隘
巨舟輻輳見對立鬼山怪石穿空奔濤竣急樹生崖
畔凝鳥道以披雲罷觀之後駕艚飛帆暮泊蕪湖之
西江天風漸作水陸音生驚濤泊岸起氣溟濛是夕止
趨就纜至旦風猶未止仍泊是江遙見江心一山挺
然凌空嵒然挿水首有廟焉惟諸將輕舸如織梭而
上下朕謂左右曰若是者何如對曰是山之神擅禍
福致是所以諸將往禱焉須臾逆風止順風生於是

浮游而前數日越樅陽渡漢武射蛟之所半晝抵皖
城寇舟不戰水陸固守朕命諸將以舟繫水以步疑
陸鼓譟而進不踰時空其江盡爲我有於是宵晝弗
停次日午後兵抵潯陽之下與彼交戰再衝再折凡
若此者三彼負而我勝友諒逃遁遺將伏降朕命能
者葺城守之班師建業吁兵凶事耳聖人不得已而
用之朕命甲士露鋒刃比縛首惡以來前其良民安
無誤遭者耶荷上帝默相兵無血刃潯陽以平民
獲康哉

廣信府同知鄒潘

推官方重校正

臨江府推官袁長馭

上饒縣學教諭余學申對讀

湖州府後學吳仕旦覆訂

紀錄彙編卷二終

皇陵碑

明太祖撰

皇陵碑

本館據紀錄彙編
本影印初編各叢
書僅有此本

紀錄彙編卷之一

御製皇陵碑

洪武

洪武十一年夏四月命江陰侯吳良督工新造皇
堂予時秉鑑窺形但見蒼顏皓首忽思往日之艱辛
况皇陵碑記皆儒臣粉飾之文恐不足爲後世子
孫戒特述艱難明昌運俾世代見之其辭曰

昔我父皇寓居是方農業艱辛朝夕徬徨俄爾天
災流行眷屬罹殃皇考終於六十有四皇妣五
十有九而亡孟兄先死合家守喪田主德不我顧呼

叱昂昂既不與地鄰里惆悵忽伊兄之慷慨惠此黃
壤殯無棺槨被體惡裳浮掩三尺莫何般漿既塋之
後家道惶惶仲兄少弱生計不張孟嫂携幼東歸故
鄉值天無雨遺蝗騰翔里人缺食草木無糧予亦何
有心驚若狂乃與兄計如何是常兄云去此各度凶
荒兄爲我哭我爲兄傷 皇天白日泣斷心腸兄第
異路哀動遙蒼汪氏老母爲我籌量遣子相送備醴
馨香空門禮佛出入僧房居未兩月寺主封倉衆各
爲計雲水飄颺我何作爲百無所長依親自辱仰天
茫茫旣非可倚侶影相將突朝煙而急進暮投古寺